

საქართველოს პრეზიდენტის

ბრძანებულება

N 85

2006 წლის 27 იანვარი

ქ.თბილისი

„საქართველოს სამხედრო ძალების სამხედრო უნიფორმის,
სიმბოლიკის, ატრიბუტიკისა და ინსიგნიის დამტკიცების შესახებ“
საქართველოს პრეზიდენტის 2003 წლის 22 მაისის N 228
ბრძანებულებაში დამატებების შეტანის თაობაზე

„ნორმატიული აქტების შესახებ“ საქართველოს კანონის 36-ე მუხლის შესაბამისად „საქართველოს სამხედრო ძალების სამხედრო უნიფორმის, სიმბოლიკის, ატრიბუტიკისა და ინსიგნიის დამტკიცების შესახებ“ საქართველოს პრეზიდენტის 2003 წლის 22 მაისის N 228 ბრძანებულებას (სსმ., III ნაწ., 2003 წ., N 48, მუხ. 438) დაემატოს შემდეგი შინაარსის 1¹ პუნქტი:

,,11. დამტკიცდეს საქართველოს თავდაცვის სამინისტროს სამხედრო პოლიციის დეპარტამენტის სიმბოლიკა, ატრიბუტიკა და ინსიგნია დანართის თანახმად.“.

მიხეილ სააკაშვილი

პლანშეფი 1

საქართველოს თავდაცვის სამინისტროს სამხედრო პოლიციის დეპარტამენტის

გერბი

საქართველოს თავდაცვის სამინისტროს სამხედრო პოლიციის დეპარტამენტის გერბი წარმოადგენს მუქ ბორდოსფერ ფონზე არსებულ ორი გადაჯვარედინებული ოქროსფერი დამბაჩის გამოსახულებას.

გარშემო გამოსახულია ოქროსფერ წრეში განთავსებული დაფნის გვირგვინი, ხოლო ზენიტში რვაქიმიანი ვარსკვლავი.

გერბის ზედა ველზე გამოსახულია ქართულენოვანი წარწერა: “საქართველოს თავდაცვის სამინისტრო”, ქვედა ველზე - “სამხედრო პოლიცია”, ხოლო მარჯვენა და მარცხენა ველებზე – დავითიანის თითო ძველი ქართული ჯვარი.



პლანშეფი 2

საქართველოს თავდაცვის სამინისტროს სამხედრო პოლიციის დეპარტამენტის

ღილკილო-ემბლემა

1. საქართველოს თავდაცვის სამინისტროს სამხედრო პოლიციის დეპარტამენტის სამხედრო მოსამსახურის ღილკილო წარმოადგენს მუქ ბორდოსფერ ფონზე არსებულ ორი გადაჯვარედინებული ოქროსფერი დამბაჩის გამოსახულებას.
2. ორი გადაჯვარედინებული ოქროსფერი დამბაჩის გამოსახულება.
3. საველე წარწერა: გვარი, სამხედრო პოლიცია.



პლანშეფი 3

საქართველოს თავდაცვის სამინისტროს სამხედრო პოლიციის დეპარტამენტის

შეტონი

საქართველოს თავდაცვის სამინისტროს სამხედრო პოლიციის დეპარტამენტის შეტონი წარმოადგენს ოქროსფერ რვაქიმიან მეტალის ვარსკვლავს, რომელზეც გამოსახულია სამხედრო პოლიციის დეპარტამენტის გერბის სიმბოლო.

ჟეტონის ბედა ველზე (სამხედრო პოლიციის გერბის ბევრი) გამოსახულია ქართულენოვანი წარწერა: “საქართველოს თავდაცვის სამინისტრო. სამხედრო პოლიცია”, ხოლო მის ქვევით, შედარებით მცირე ბომის ინგლისურენოვანი წარწერა: „MINISTRY OF DEFENCE OF GEORGIA. MILITARY POLICE“.

ჟეტონის ქვედა ველზე - ჟეტონის ოთხციფრიანი ნომერი.



პლანშეგი 4

საქართველოს თავდაცვის სამინისტროს სამხედრო პოლიციის დეპარტამენტის კოკარდა

საქართველოს თავდაცვის სამინისტროს სამხედრო პოლიციის დეპარტამენტის კოკარდა წარმოადგენს მუქ ბორდოსფერ ფონზე არსებულ ორი გადაჯვარედინებული ოქროსფერი დამბაჩის გამოსახულებას.

გარშემო გამოსახულია ოქროსფერი დაფნის გვირგვინი, ზენიტში რვაქიმიანი ვარსკვლავი, ხოლო ქვევით დაფნის გვირგვინის შიგნით – ორი ქართული ასობგერა: "სპ" (სამხედრო პოლიცია).



პლანშეგი 5

საქართველოს თავდაცვის სამინისტროს სამხედრო პოლიციის დეპარტამენტის

სამკლავური ემბლემა

საქართველოს თავდაცვის სამინისტროს სამხედრო პოლიციის დეპარტამენტის სამკლავური წარმოადგენს ოქროსფერ ფონზე გამოსახულ სამხედრო პოლიციის დეპარტამენტის გერბის სიმბოლოს.

სამკლავერის ბედა ველზე (გერბის ბევრით) გამოსახულია ინგლისურენოვანი
წარწერა: „GEORGIA“, , ხოლო ქვედა ველზე - “MP”.

